

Inuussutissarsiutigalugu piniartut nannuttamik amiinik qapiartitsisarnerannut suliaritinneqarneranut akiusut malillugit akilerneqartarneranut akiliutaasup 50%-anik taperneqartarlernissaannik, ilanngullu angallanera Naalakkersuisut peqquneqarnissaannik Inatsisartut aalajangiiffigisassaattut siunnersuut. Nunat tamalaat nannut amiinik piniartut niueruteqarsinnaaneratt inerteqqutigaa, tamaalilluni piniartut nannut amiinik tunisisinnaanerannut periarfissaarunnerannut taarsiutitut tapiissutip siunertaqarpoq

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneerreqarneranut

ILASSUTITUT ISUMALIUTISSIISSUTAA

Ataatsimiititaliap suliarinninnermini ilaasortarai:

Inatsisartunut ilaasortaq Henrik Fleischer, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia

Inatsisartunut ilaasortaq Erik Jensen, Siumut

Inatsisartunut ilaasortaq Steen Lynge, Demokraatit

Inatsisartunut ilaasortaq Múte B. Egede, Inuit Ataqatigiit

Inatsisartunut ilaasortaq Hans Enoksen, Partii Naleraq

Inatsisartunut ilaasortaq Jens Danielsen, Siumut

Siunnersuut siuliani allasimasooq pillugu ataatsimiititaliaq ulloq 28. februar 2020-mi isumaliutissiissuteqarpoq.

1. Siunnersuummi oqaasit marluk atorneqarneri imminnut naapertuutinningsut

Siunnersuummut qulequttap (tassa taasissutissartaa) kalaallisoortaa danskisoortaa imminnut naapertuutinningsut ataatsimiititaliaq ulloq 18. maj 2020 paasitinneqarpoq. Taamaattumillu ataatsimiititaliaq matuminnga ilassutitut isumaliutissiissuteqarpoq.

Taasisutissap kalaallisoortani inuussutissarsiutigalugu piniartut nannup amiata suliarineqarneranut akiliutaata 50 %-ia inuussutissarsiutigalugu piniartunut tapiissutigineqartussatut allaqqavoq, nassiunnera ilanngullugu.

Tamanna ima isumaqarpoq, inuussutissarsiutigalugu piniartut nassiussinermut aningaasartuutigisimasat 50 %-ii tapiissutinit matussusertissinnaassagaat.

Taasisutissap danskisuuani inuussutissarsiutigalugu piniartut nannup amiata suliarineqarneranut akiliutaata 50 %-ia inuussutissarsiutigalugu piniartunut tapiissutigineqartussatut allaqqavoq, nassiunnera ilanngunnagu.

Tamanna ima isumaqarpoq, inuussutissarsiutigalugu piniartut namminneerlutik amqip suliarineqarnissanut atatillugu nassiussinermut aningaasartuutit akilertassagaat.

Inuussutissarsiutigalugu piniartut nassiussinermut aningaasartuutit namminneq akilertassagaat siunnersuummut tunngavilersuutip kalaallisuuani danskisuuani siunniunneqarpoq.

2. Ataatsimiititaliap siunnersuummik suliarinninnera

Inatsisartut qanoq aalajangersimanerannut nalornineq pinngitsoortinniarlugu ataatsimiititaliaq allannguutissatut siunnersuummik saqqummiussivoq, tassani oqaatsit marluk atorlugit ersarissumik allaqqalluni nassiussinermut aningaasartuutit 50%-ii tapiissutitut ilaatinneqassasut.

Inuussutissarsiutigalugu piniartut nannuttaasa suliarineqarnerannut akiliutaasut 50 %-iisa tapiissutigineqartalernissaannik atuutilersitsinissamik Naalakkersuisut peqquneqarnissaat pillugu Inatsisartut aalajangiinissaannut siunnersuut. Tapiissutittaaq nassiussinermut aningaasartuutit 50 %-ii matussusissavaat. Siunnersuuteqarnermi siunertaavoq nannut amiisa Kalaallit Nunaanneersut niuerutigineqarnissaannik nunat tamalaanit inerteqquteqarallernerup nassatarisaanik piniartut isertitaqarnissamut periariarfissaarunnerannut taarteqartitsinissaq.

3. Ataatsimiititaliap inassuteqaatai

Siunnersuutip kalaallisuuani danskisuuani oqaatsit atorneqartut imminnut naapertuutinninnerat pissutigalugu siunnersuutaaqqaartup itigartitsissutigineqarnissaa

ataatsimiititaliap isumaqatigiittup inassutigaa.


Siuliani allassimasutut oqaaseqaateqarlutik ataatsimiititaliap allannguutissatut siunnersuutaa akuerineqassasoq ataatsimiititaliami amerlanerussuteqartut Siumumeersut, Inuit Ataqtigiiinneersut aamma Partii Naleqqameersut inassutigaat.

Ataatsimiititaliap ulloq 28. Februar 2020-mi isumaliutissiissutaani tunngavilersuutip assinganik tunngavilersuuteqarluni ataatsimiititaliami ikinnerussuteqartup Demokraatineersup ataatsimiititaliap allannguutissatut siunnersuutaa itigartinneqassasoq inassutigaa.

Taama oqaaseqarluni isumaliutissiissummilu allassimasutut paasinnilluni ataatsimiititaliap siunnersuut aappassaaniigassanngortippaa.



Henrik Fleischer
Siulittaasoq



Aqqaluaq B. Egede
Siulittaasup tullia




Steen Lynge




Múte B. Egede



Jens Danielsen



Hans Enoksen



Erik Jensen